

明京都西潮沙門交光真鑑述

大禪頂首楞嚴經正脉疏

法苑珠林卷之三

明京都西湖沙门交光真鑑述

大佛顶首楞严经正脉疏

福建莆田广化寺

新平州

PDG

大佛頂首楞嚴經正脈疏序

明京都西湖沙門交光真鑑述

本元覺海在纏名如來藏心。湛寂性天。當體號首楞嚴定。豈惟世出世間從來不動。亦且情與無情法爾無生。奈何華起翳睛。夢沈長夜。於不動中而見遷流動轉。於無生內而受生死輪迴。若是則豈但凡外狂走。不能脫於瀑流。是雖權小劬勞。亦未免於細注。率由未見天真之本定。徒攻縛識之枯禪。所謂生滅為因。終無實果也。故我釋尊。因中悟此為密。因果中證此為極果。寂場海印。非不欲普灌醍醐。而夢夜昏狂。

楞嚴正脈卷首

要須待多方淘汰。及其機熟。仍示元心。法華方以開端。斯經乃以竟說。多聞示墮。警狂慧策。力於深禪。答定徵心。破凡小全。迷於偽定。是必偽定全捨。而後大定可聞。由是向六根而指見性。令親驗乎不動之本真。會四科而示藏心。令備明乎常住之自體。復通七大。極顯周圓。阿難遂以讚不動尊。謝希有定。是向未及於請修。而所謝首楞嚴王。非指自性本定。而何哉。此方答慶喜會妄歸真。顯空藏不變之體。下乃酬滿慈從真起妄。顯不空隨緣之用。又復雙明性相見空與不空。二俱無礙。而圓彰三藏之全體大用。然後知

一切事究竟堅固之定體。本自圓成。徹法源不動不壞之楞嚴。非由造作。所謂奢摩他微密觀照發盡無餘。回視強制識心。患惟影相之定。夫淵未足為喻矣。然而定雖本有。根結未開。體固無虧。用終不發。由是當機思契入。而喻屋求門。如來示決定。而指根明結。於中列數量。所以令其選圓。推攬塵。所以明其可盡。疑斷滅。則擊鐘以驗其不滅。疑別有。則現佛以證其無他。乃至縮巾而六結有倫。冥授而諸門悉啟。及勅文殊之推選。獨取觀音之耳門。蓋必寂滅之真體。現前。而後圓應之妙用。備發。真所謂如幻三摩提。彈指

楞嚴正脈卷首

超無學矣。若夫道場三學。祕呪四檀。但為修圓通而障重者。加行耳。非別有異門也。是則華屋之門。方入而升堂入室。不無所歷之位。故當機繼是以請位焉。佛乃撲加行圓通。以為三漸。束三漸以為乾慧。即以心中中流入。由是生佛家而名十住。行佛事而名十行。攝歸三處。名十向。實證一真。名十地。以至等覺。覆涅槃海。即大寂滅海。而生死永寂。妙覺人莊嚴海。即萬德果海。而菩提永成。願謂歸無所得者。明但復還乎本不動體。而出現其本有家珍。非從外得也。豈同非因非果。空無所獲哉。斯乃依禪那以修進聖位。

而首楞嚴大成始成終故結五名而囑其奉持焉
至於七趣勸離五魔教識亦前文要義特重伸以加
詳耳最後深慈曷有窮已乎是則斯經也一乘終實
圓頓指歸語解悟則密因本具非假外求語修證則
了義妙門不勞肯綮十方如來得成菩提之要道無
有越於斯門者矣夫何經本分明而註多鹵莽正脈
既失本旨多乖後賢指摘成帙甚至但說本文學者
莫決從違而臨文浩歎者多矣鑑長夜迷徒釋宗晚
學賴聖賢加被發薄少善根偶窺華屋之門輒憫宮
牆之望僭伸管見請正大方實非橫陳臆說而蔑先

楞嚴正脈卷首

賢意惟曲順佛言而資後學知我罪我靡恤靡逃所
冀暫結喜緣普碎阿鼻而成樂園儻開妙悟咸歸大
定而證菩提他日於諸佛會下寧非同行眷屬哉特
撮略以冠篇端而其詳在懸示云

大佛頂首楞嚴經正脈疏序

夫羣生莫不有心而真心難悟修心莫不有定而性
定難明故茲首楞嚴經者指真心而示性定也予也
叨育潢流素餐尸位自弱冠來志尚禪宗潛心內典
亦嘗耽玩斯經每病其註之未善萬歷壬辰妙峯登
上人來自上黨告余曰登遇僧交光諱真鑑京都人
也蚤歲爲弟子員因閱楞嚴有悟遂從釋專其學寓
上黨廿餘載改正楞嚴註解發明性定極其精切登
見之不勝羨服因招請來蒲不日矣既至與語甚契
朝夕聆誨滌謬蠲迷遂師事之及讀楞嚴新註尤合

楞嚴正脈卷首

鄙見而諸疑盡釋夙緣克諧卽諷妙峯輩倡眾刊之
不歲餘而功竣師囑予序予以七旬病叟知見昏庸
曷敢僭言取咎聖道師索之不已乃勉強構思所爲
說曰梵語首楞嚴華言一切事究竟堅固曰一切事
者蓋總攝乎身心世界非獨制乎孤調之心曰究竟
堅固者特取乎本來不動非全恃乎修治之功此心
此定具自在神用卷舒世界存泯身心無不可者眾
生所以不能者因無始來根本無明所覆致境界妄
現如人作夢無中現有世界身心總一大夢夢惟心
之虛影誤認爲真橫起貪著自取流轉劫歷塵沙彌

恣昏擾。若不指歸性定。則生死尚如瀑流。安有自在神用。以故如來雖設三學理。惟一定。蓋戒爲定之前導。慧乃定之後功。無異體也。定有二。一曰識心定。二曰根性定。識心定者。謂未見性者。姑制雜念。令其不起。外道諸天。小乘羅漢。權教菩薩。皆居此定。此定虛僞。非真。靜則成動。動則壞。非常住。大定終不成。無上菩提。此經初卽破妄心。禁止斯定。教人舍而勿修。爲其似是而非。恐妨性定也。根性定者。謂近具六根。遠該萬法。總是寂照無邊之體。因帶無明。結爲六根。六根體用雖同。而見聞最勝。故悟由於眼。修依於耳。然此

楞嚴正脈卷首

根中之性。本不動搖。亦無生滅。既非修之而成。亦非制之而定。知之既真。功惟一守。守其本有。不假多方。然此性於未悟之前。未嘗不定。既悟之後。安有動移。動靜之境。無礙。起滅之念。無干。故曰。那伽常在定。無有不定時。然須辨別。令其根識分明。方可決擇。如眼見物時。但如鏡中。無別分析。是卽眼根見性。若起一念分別。便屬識心。耳之照聲。亦同此辨。斯經破識之後。卽從眼根指眞實心。示本來定。而不動不滅。無還等義。曲盡無遺。至於除二見之妄。但去其所帶無明而已。非破斥也。自是而後。四科七大。雖廣彰萬法全

性一。常住周徧。總不離於前之根性。而明其法體通貫。理極圓融。舉一全該。坦然平等。令修根性定者。知其不遺一法也。如是則奢摩他中。所以發明眞心。本定者。略無餘蘊矣。至於阿難說喻。請修。但令其挽迴聞聲之聞根。反聞聞性之自體。此則以無分別根。合無分別性。全不用覺觀思惟。故經初破盡六識。但指根性也。繼說道場。不過加行而已。而妙三摩提。豈離圓通而別有哉。由是修門。既入。歷位宜明。復因當機之請。而條列焉。始有三漸。而揲圓通。次躡乾慧。而臻十信。以至住行向地。行部分明。等覺妙覺。圓融證

楞嚴正脈卷首

極。是皆禪那清淨修證聖位。而楞嚴全體大用。始復其初。無不自在矣。厥後七趣五魔。大意惟以警淹溺。護墮落。而一經妙旨。終矣。經文十卷。可一言而蔽之。曰。斥識用根。四字而已。以依識不得。漏盡依根得成。菩提故也。至哉楞嚴。歸眞捷徑。天竺珍尙。嚴禁其傳。天台師西向。祝祈竟不諧。願般刺師。冒禁賣來。後學受賜。所病者。諸賢誤引。台宗三觀。翻易成難。幸賴吾師。劬勞訂證。撰著歷年。一其異詞。刪其支說。俾楞嚴正脈。湮晦數百年。始獲昭著。嘉惠來學。厥功溥博。法門之光。吾儕之幸也。有緣遇者。允宜虛心。察理。改轍

更絃從其正而免踐迂途不假功而坐登覺岸贊詞
僭序愧汗交頤所冀同人俯垂玄鑒

萬曆二十八年庚子孟秋之吉

皇明代藩七十翁山陰王樂善道人朱俊柵撰於

欽賜樂善書院

目錄

卷一之三

科

卷四之六

懸示

卷七之九

經文卷第一

卷十之十三

經文卷第二

楞嚴正脈卷首

卷十四之十六

經文卷第三

卷十七之二十一

經文卷第四

卷二十二之二十四

經文卷第五

卷二十五之二十八

經文卷第六

卷二十九之三十

經文卷第七

卷三十一之三十四

經文卷第八

卷三十五之三十七

經文卷第九

卷三十八之四十

經文卷第十

大佛頂首楞嚴經正脈疏卷一 科上

經文卷一之一疏卷七

大分爲三

一題目佛大

二譯人三

三經文三

一序分二

二正宗分

三流通分

一六種證信序三

二示墮發起序三

一誤墮因緣四

一別請遠遊有惟

二無侶獨歸無既

三無供循乞日其

四欲行等慈二

一主譯人竺天

二譯語人烏長

三潤文人薩普

一標信與聞是如

二時主及處時一

三廣列聽眾二

一兼本迹以詳列四

二兼時會以略顯二

一標自悲顯有菩薩二

一時會先在眾三

一時會誠求諸屬

一如來妙應時即

三會眾蒙益法筵

二首感後至眾慶迎

二標齋供顯有人天二

一據迹標數大與

二彰本歎德二

一總名似同是皆

二別德迴異二

一德體超異佛子

二德用超異二

一上助佛化從佛

二下度眾生三

一盡本界淨嚴

二盡十方身應



三盡未來濟拔



三略舉上首其名



四更盡勝劣復有



一國王齋供波時



二臣民齋供中敷















十

